



Broj: 02-05-3330/17
Lukavac, 08.03.2018.godine

Na osnovu člana 64. stav (1). tačka b), člana 28., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-3330/17 od 07.03.2018. godine u pregovaračkom postupku bez objave obavještenja o nabavci dodatnih radova na rekonstrukciji zgrade općine Lukavac, Općinski načelnik d o n o s i

O D L U K U o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 02-05-3330/17 od 07.03.2018.godine i Ugovor za nabavku dodatnih radova na rekonstrukciji zgrade općine Lukavac, u vrijednosti od 37.024,68 KM bez PDV-a dodjeljuje ponuđaču „DŽENA“ d.o.o Gradačac, prema ponudi broj: 28-P-02/18 od 28.02.2018.godine.

Član 2.

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 4.5. od a) do d) Tenderske dokumentacije, broj: 02-05-3330/17. Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, postupak dodjele ugovora za javnu nabavku bit će poništen.

Član 3.

Ova odluka objavit će se na web-stranici ugovornog organa (www.lukavac.ba) istovremeno s upućivanjem ponudu koji je učestvovao u postupku javne nabavke, u skladu sa članom 70.stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Općina Lukavac je u skladu sa Odukom o pokretanju postupka javne nabavke broj: 02-02-1-3329/17 od 28.12.2017.godine pokrenula pregovarački postupak bez objave obavještenja o nabavci u skladu sa članom 24. stav (1) tačka (a) Zakona o javnim nabavkama sa ponuđačem „DŽENA“ d.o.o Gradačac, te tendersku dokumentaciju dostavila ponuđaču „DŽENA“ d.o.o Gradačac.

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

U skladu sa članom 28. stav (4) Zakona o javnim nabavkama, ugovorni organ je na svojoj internet stranici www.lukavac.ba postavio informaciju da ima namjeru provesti pregovarački postupak bez objave obavještenja o nabavci dodatnih radova na rekonstrukciji zgrade općine Lukavac.

Ponuđač „DŽENA“ d.o.o Gradačac je do termina predviđenog za dostavu zahtjeva za učešće dostavio svoj zahtjev za učešće, a potom je do termina predviđenog za predaju početnih ponuda dostavio svoju početnu ponudu. Komisija za provođenje postupka nabavke imenovana Rješenjem broj: 02-05-93/18 od 08.01.2018.godine je pregledala i ocijenila kao kvalifikovan zahtjev za učešće ponuđača „DŽENA“ d.o.o Gradačac, nakon čega je ugovorni organ uputio ponuđaču „DŽENA“ d.o.o Gradačac zahtjev za dostavu početne ponude i istog pozvao na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija utvrdila da ponuđena cijena ponuđača u iznosu od 37.024,68KM bez PDV-a premašuje procijenjenu vrijednost nabavke, koja iznosi 33.200,00KM bez PDV-a. S tim u vezi, Komisija se dana 02.03.2018.godine obratila Općinskom načelniku zahtjevom, broj: 02-05-3330/17, kojim traži saglasnost za povećanje procijenjene vrijednost nabavke. Dana 06.03.2018.godine. Služba za urbanizam, prostorno planiranje i investicije dala je saglasnost na nastavak provođenja postupka javne nabavke, budući da će nedostajuća sredstva, neophodna za okončanje postupka predmetne nabavke, biti planirana u Budžetu za 2018.godinu na poziciji 821 614 – utopljavanje zgrade općine Lukavac, te je Komisija ocijenila da ponuda zadovoljava sve zadate kriterije u tenderskoj dokumentaciji, da je prihvatljiva za ugovorni organ i dala prijedlog ugovornom organu da ugovor za nabavku dodatnih radova na rekonstrukciji zgrade općine Lukavac u vrijednosti od 37.024,68 KM bez PDV-a dodjeli ponuđaču „DŽENA“ d.o.o Gradačac, jer je dostavio prihvatljivu ponudu.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana objave dobrovoljnog ex ante obavještenja o transparentnosti.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac.

Žalba se podnosi u najmanje tri primjerka.



Dostaviti:

1. „DŽENA“ d.o.o Gradačac;
2. Evidenciji;
3. Arhivi.